

擊缶集

洪

蒙著



113
568

66

中華民國三十六年十二月出版

擊 缶 集

每冊定價 元

翻 印
必 究

著 者 ：
洪 蒙

出 版 者 ：
回 颯 社

發 行 人 ：
濮 天 慕

通訊處南京許家巷四四號

印 刷 者 ：
建 國 印 刷 所

南 京 瞻 園 路 口

序

詩本天籟，勉學難工，吟詠性情，非關學力。是以古之里巷謳歌，廟堂雅頌，征人思婦之詞，逐臣棄妻之什，與夫友朋契闊，死生親故之感，蓋莫不情緣境遇，因物起興，搖蕩心靈，形諸歌詠。雖其中有工拙清濁之不同；抑揚抗隊之各異，然要皆出於自然之天籟則一也。

是故詩者，可以移人性情；可以興觀羣怨，雖不必斷斷於六義四始，然若語其本質，則於溫柔敦厚之教，蓋亦不能違畔焉。

至若事有出於沉思，而義貴乎翰藻，五色相宣，八音諧叶，謝朝華之已披，啓夕秀之方振，審其神理，蓋又必如是而後可以語於稱心之製也。

雖然，詩亦出於自然之感興而已，豈以藻麗雕飾爲務哉！古人云：「明月照高樓，不出當前之景物；清晨登瀛首，亦屬一時之興趣」。是可知「寫難狀之景於目前，含不盡之意於言外」者，固可以備入詩之一格，然必謂如此乃爲詩不可缺之要素，則又殊不然也。

余友洪蒙，與余同里閭，蚤歲負笈故都，浸淫文史，賦性恬澹，雅好風騷，緣情感興，斐然有作。其後執鞭軍校，筮仕政途，湖海交遊，類多魁士，足跡所經，身心所歷，輒有題詠，清新俊逸，迥異凡流，山水遊仙，寄情幽遠，拓前人詩中未有之境界，取以澆自己胸中

之塊壘，求其相類，強而傳之，抑亦李青蓮之流亞也！際茲干戈未定，血染玄黃，風雅淪湮，深虞散逸，爰趣其輯選現有者，都爲一集，名曰擊缶，付諸剞劂，以供同好先覩之快。余樂爲之序，以弁卷端。

民國三十六年十一月張翼詒

自序

居今日而從事詩作，確乎難有遵循，蓋詩之舊形體如絕律之類，陳腔爛調，格式繁嚴，桎梏情性，難以表現卓絕浩大新穎之詩境，為時代所漠視，白話詩人所不願為，自有其當然之因素在。而白話詩則又因歷史性之演變過劇，缺乏固定性之格律，難求和諧合理之節奏，提倡以來，亦無差強人意之成就，以奠其基礎，致使有志於詩者，每慮徘徊歧路，無所適從。

夫詩乃吟詠情性之作，格律所以美化之耳，苟詩境卓越，格律之有無或諧叶與否，乃其餘事，故著者對於詩之新舊形體，向無輕此重彼之見，暇時閱讀，同具興趣。溯於民國十五年間，即曾寫白話詩百數十首，至二十一年後始讀舊詩，究以未諳門徑，不敢操觚。迨抗戰軍興後之明年，著者由粵入川，浪跡渝蓉間，始寫律句與古體，繼由川至鄂，由鄂而湘而贛，服務軍政機關，或任地下工作，出生入死，行蹤所至，輒因物興感，隨意吟詠，固已不自知為何體，但求得舒襟懷，洩其憤悶，便陶然自樂，未嘗計工拙也。

本集所輯，凡四十八首，類多長短句，不拘格式，間或取西洋詩之外形，每篇分段，每段分行，任性揮寫，不加雕斲。竊以為時至今日，文學已無國界，須集古今於一體，冶中外於一爐，融會貫通，獨創風格，庶或有成，否則終不能脫古人之藩籬，而追時代之上游。是故數年來即以此淺見為標的，冒昧嘗試，雖自知工力薄弱，今之所獲

，距離理想尚遠，究已用去若干心血，又爲多年來精神之所寄，不欲自滿，因選輯付印，敬以求正於海內君子云爾。

民國三十六年十二月洪蒙序於南京

目 次

默默

大江終古東流

登武當山天柱峯

中秋夜獨上芝山

我是行路人

遙夜

斬寇行

蒼蒼

峨嵋絕頂望銀河

宿紫霄宮寄成都友人

過三峽

送友人遠行

新都留別

車馳高山上

沙坪壩話別

冬夜遊桂湖

獨坐涪江邊磐石上

新牆河

滄浪亭

秋到人間

行乞兒

白日飄忽不可留

躍馬漢江濱
人生
昨夜頻驚夢
夢
路死人
血與淚
太陽
影
荒山
蛆蟲曲
野花
贈友人之江華
寄大幕山戰士
登清江閣望崆峒峽
雲月
乘輿過吳家谷
神坑廟
登波崙寺
清心橋
瞻發塘壩場
薛濤井
長劍
狂風雨
寄張書記長翼詒
戰鬥
青春之追悼
徘徊荆棘叢

默 默

何因汝默默？

自倚黎明到昏黑，

嘈嘈雜語如羣犬之嗷嗷，

汝獨沉沉面蒼白！

豈爲長天慘慘雷憑憑，

懼與山河歸一擲？！

豈爲魔神氣餒掩週遭，

稚魂惴惴感威迫？！

豈爲人生鐵輪之下痛折磨，

已把歡情拋莫澤？！

嗟汝默默人，

默默果何因？

智者浮冷眼，

嘲汝失天真。

遠景雖美或非是，

徒使世人嗤汝是呆子！

大江終古東流

大江終古東流，

巖鳴穴吼何雄遒！

烟波浩濛堪誇冥冥之洋海，

捲浪崩濤宛如億萬匹狂奔之驕駟，

五千七百里瀛瀛晝夜曾不息，

竟使茫茫大塊視若南北之鴻溝！

洞庭鄱陽汗漫那堪駐，

挾沱嘉烏漢湘鄱諸水一瀉通溟陬。

有客江邊獨立頻嗟嘆，

仰止化工因之抒長謳。

吁嗟乎四千年前大禹與伯益，

戈斧木筏敢與九州汪洋敵！

豈有神靈暗助得告厥功成？

治鑿川流興社稷。

黃涇渭洛不足與比言，

江乎獨尊無乃堪矜式！

初疑來從天上弱水之三千，

却是巴顏喀喇匯涓滴。

蜿蜒曲折若宇宙之長蛇，

飛落中華恣經歷。

舉世幾何如汝之壯觀，
萊茵太唔密士瑟比亦揚瀾，
東西相望天阻隔，
萬重雲霧通情難。
即論黑龍遼河與珠水，
關山層疊安可一朝看！
作福人羣世代同久遠，
物物孳生日以蕃。
造化大公無私惠，
江乎應流膏澤到荒蠻！

去來帆影總片片，
自汝視之渺如燕，
縱有艫艫百丈長，
投汝懷中輕如扇。
浮萍斷梗竟云何，
幾會眼底親相見，
蝦蟹龜豚鯽鱖與鼈鼉，
悠悠年月多少魚龍變？

水族精靈若有知，
沉冤血淚猶沾面。

古昔雄者屢稱兵，
征旗戰艦縱橫行，
刀光劍影遮日月，
贏得灰飛哭泣聲。
近代倭奴驅勁旅，
鐵蹄肆虐陷孤城，
軍民倉卒不可渡，
無邊屍骨葬櫻溟，
幾許青娥白髮江干齊揮淚，
遺孑訴來怪汝何爭獍！

亦有騷人扁舟抒胸蘊，
把酒高歌詩思敏，
英豪名士不見還，
佳人也復飄零盡。
江乎汝是詩國之源泉，
安得天才如汝之吐傾；

放射光芒照寰中，
多留瑰璋耀人境，
嘯唱起愚蒙，
曠曠震雷殷。

灑汝一杯酒，
勢同萬丈潮，
岸葉迎風響蕭蕭，
問汝江底沉槍折戟可曾銷，
自古龍爭空飲恨，
幾非暴者驅民於死逞勇驍！
吁嗟古之征戰士，
拋殘碧血英魂此日誰見招，
豈待天涯悲感客？
低徊清唱慰寂寥！

逝水若可回，
沉冤應亦醒，
檣柁翻飛不用愁，
一呼躍浪魂歸命。

起死回生樂事多，
我應權代天帝令，
歡欣甯獨水中魔，
世人將亦同稱慶。
江乎若有知，
得毋嗤我書生佞？

一曲未終視界轉微濛，
海鷗海鴨聯翩颺高空，
乍見還疑王母傳書使，
遊戲人間偶一逢。
誰知乃是自由歌呼者，
以聖潔之情懷羣向江水憩雲蹤。
江水湯湯終古奔流會不息，
海鷗海鴨既翔且詠時陪從。
我羨江水澎湃何英勇，
我羨海鷗海鴨自由灑脫亦雍容。

江乎炎黃苗裔汝孳長，
五穀服用汝供養，

何因政刑典制四千年？

桎梏生民猪狗樣！

地獄深層骨欲枯，

天堂迢遞安能上，

問汝雄奇磊落之豪懷，

甯能睹此罪惡兇殘相？

卽今海鷗海鴨歌自由，

恐死強橫成悲唱。

灑汝一杯酒，

如花落江濱，

往者已矣不須陳，

來者如源頭之水多清新，

中華立國非朝夕，

先民締造費艱辛。

我願汝本泓湧磅礴之精神，

掃蕩盡積習難返之垢氛，

一光大地諸容色，

長享豐映與仁親。

吁嗟江乎史事無邊感懷抱！

中有幾許光輝人稱道？

中有幾許醜毒人懊惱？

亦有幾許善惡人顛倒？

祝汝壯心如日月之永恆，

祝汝與時代青春長歡好，

換却當年舊裳衣，

珍重新生之兒在襁褓！

再灑酒一杯，

吾儕永不老。

登武當山天柱峯

天柱高峯巴山來，

上凌蒼冥何壯哉！

輕拂天門闔闔開，

仙風颯颯向人裁。

霄衢四去茫無際，

白雲渺渺通蓬萊。

俯瞰嶂巒爭奔競，

萬里環拱連九垓。
我立峯巔敲鈞軸，
身疑已被人間逐！
別有飄蕭出世情，
乘霞蹕霧巡星宿。
會怪浮生我寡歡，
此來甯復怨幽獨。
已識黃精可辟穀，
復當採服三千斛，
曠遊我寥寰，
甯知榮與辱；
遙看玉女與金童，（註）
萬紀千春亂夢中，
蓬蓬青髮凋霜雪，
漱吸鴻濛日映紅。
應羨造化有神工，
腳頭踐處盡龍蹤。
嶺去似龍騰，
鱗迴如虎伏，
荒林與幽壑，

收來眼底何玲瓏！
烏鴉飛啼朝復夕，
流影明滅翔空碧，
遊人遠道互歌翻，
聲徹虹霓轉風翼，
我立峯巔人不識，
馳暉無那將潛匿。
徘徊久久竟惘然，
一絲漢水去無邊，
蒼茫六合眼中小，
手撥璇璣頂上旋，
銀河弄水驚牛女，
問我浮槎是何年。
惶惑未成語，
驀然耳際聞鼙鼓，
錦雲片片散層霄，
疑是瑤池興歌舞，
阿環鸞車飄飄來，
欲下人間依誰住？
知否人間住大難，

何如歸玩三花樹！

再語狂飆撼乾坤，

回頭驟失雲中路。

（註）玉女金童二峯名

中秋夜獨上芝山

月色滿人寰，

攜杖上芝山，

拖影蹶山頭，

久久不思還。

拄杖對月問吳剛，

年年砍桂桂何妨？

美汝精靈長不滅，

爲誰辛苦自投荒！

請下人間稍憇息，

援我騰空一爲力，

卽我塵埃匱危人，

昔時或亦會相識。

可會相會與嫦娥？

彼女顏面今若何？

壽藥百兔猶在否？

世人此夕正疑多。

又聞廣寒清虛府，

百花飄漫遍江浦，

仙子如玉乘鳳鸞，

常向花前興歌舞。

由來傳說信難徵，

徑當縱身造汝探窈冥，

嗟汝去我三十八萬四千餘公里，

卽欲乘風凌霧亦何能！

請下人間來，

爲我一攜手，

哀我風塵久低頭，

慰情端賴青霄友！

青霄之友莫踟躕，

來時休在嫦娥後。

久久期待竟枉然，

浮雲來自天之邊，

吾生心願終成幻，

漫勞青鳥爲傳箋，

祇恐訊回天亦老，

甯須月下待千年。

我是行路人

我是行路人，

踽踽日遐邁，

峻嶺與懸崖，

連雲險且隘；

激灘或斷橋，

流水聲澎湃。

行矣行矣路茫茫，
撫膺仰視天蒼蒼，
曠野無煙火，
深林有虎狼，
將暝欲借誰家宿？
環顧週遭是大荒！

不怕風霜苦，
黎明又行路，
迢迢萬里途，
神人共所惡，
何我窺影獨茕茕？
背囊持杖朝而暮。

朝朝暮暮甯不疲，
况復療飢無粥糜，
雨雪飄瀟落，
嚴颼刺兩頰，
林鳥啾啾同蕭瑟，
天涯孤客竟何之！

· 天涯孤客竟何之！
歲歲年年路上馳，
往夏鄂南淪陷地，
空拳揮汗鬥東夷，
秋後新牆觀陣壘，
迂迴寇側復遷離。

伊昔川西曾浪迹，
雲峯高處棲岑寂，
忽又荆山頂上行，
遠巒層巘皆浮碧，
孤懷耿耿去復來，
大江洞庭重經歷。

我是行路人，
孑然不羈身，
宇宙於我甯非大，
宇宙與我少情親，
非爲歎飄零，

泣涕在生民！

於今遽爾到湘南，
行路行路髮瑟瑟，
瀟湘滌水去無極，
九疑綿邈亦巉岩，
三百六十晝夜長流徙，
行路人，可能堪？

遙 夜

白日有餘羽，
深夜懷愴惻，
輾轉不成眠，
起視衆星黑，
微燈暗慘似秋螢，
案頭燭燦照孤客，
居室比樊籠，
何如囚人宅？！

大地颯風颯颯號，
沙捲塵揚天舞刀，
窗櫺頻搖撼，
落葉亦騷騷，
街犬靈惶惑，
狺聲何喧噉！
萬象紛攘中，
而我靜默聽週遭。

我是人間散蕩者，
亦是斯文亦狂野，
年年萍跡不稱心，
總爲歡情知音寡，
夜長亂夢多，
風露披裳庭簷下，
輕步慢徘徊，
浪把閑愁惹。

徘徊已幾時，
鴻雁翔林枝，

亦有擊柝守夜人，
柝聲斷續遠飛馳，
彼此期曙色，
曙色終來遲，
中宵同寥寂，
衷懷各自知。

我心燃火焰，
黯淡何時斂？
欲借天神回天手，
焚彼夜幕成灰朽，
撒下光明在人間，
千年萬年期^永求久，
歡樂之來臨，
烝民共所有。

斬 寇 行

有寇有寇縱烽煙，
多年華夏無完田，

江河日夜東流去，
未是乾坤洗腥膻，
蒼生抱恨何時填？
不與寇仇共戴天，
但願乘風追落日，
馳逐沙場捐白骨，
血灑平蕪草色青，
寇羣零落埋幽窟！
憶昔猛士戰台兒，
鬼哭神號天亦悲，
干戈舞影彩雲亂，
戎馬聲嘶撼征旗，
寇無遺，
國人壯氣干虹霓，
再看晉南中條山，
千萬寇兵無生還，
湘北傳大捷，
犯粵亦汗顏，
豫鄂岡巒多起伏，
竄逃奪路死重關！

從知上國有長策，
衆志堅如城，
甯拋園與宅，
甯爲自由而犧牲，
不爲奴隸之靈魄，
不使江山竟變主爲客，
雷霆驚醒中華魂，
莽蕩神州無獸跡。

蒼 蒼

春來已三月，
春去亦多時，
豔陽曾未人窺面，
但有風雷電雨互交馳！
六合籠愁容，
萬靈感悲思。

借問蒼蒼會知否？
古來華胄靠天飽！

卽論於今也如是，
熙攘混沌而繁茂，
值此安危生死年，
何因施此無情手？！

豆麥未成毀連阡，
稻秧再植不能全，
軍糧民食兩無託，
况復奮戰在烽烟！
已聞老幼飢寒迫，
喘息涕零陰影邊。

蒼蒼乎蒼蒼，
豈汝嫉此軒轅之苗裔？
五千年來萬惡是私心，
哀之痛之而垂淚，
復恐冥頑感不靈，
洗之蕩之以洪水。

何乃中原與嶺南？

連年荒旱不能堪！

烝民顛徙亡魂路，

骸骨肺肝暴岑巖！

豈亦慈悲施厚惠？

幽林曠野虎狼甘！

蒼蒼乎蒼蒼，

人間已是千年黑，

若得根除骯髒毒，

從茲應是千年白，

魔鬼絕其蹤，

聖神長顯赫。

峨嵋絕頂望銀河

峨嵋絕頂望銀河，

河水涓涓漾素波，

織女機中愁不語，

凝眸西眺每停梭，

雲裳錦帶散嗒嗒，

欲渡無舟恨若何！
彩鷁去來期七夕，
斷橋殘影淚痕多。

更有河西牽牛人，
差池散蕩鮮情親，
瞳光睽睽怨河水，
搔首東鄰飄白雲，
清歌頻發聲音細，
怯怯揚鞭目揮巾，
似怕塵寰無賴子，
偷聽會惹天帝瞋。

我昔太清曾寄跡，
卅年淪謫到凡籍，
此夜山巔風怒號，
獨來爲訴素心積，
人間天上同寥寂，
慰情終竟無消息，
慘慘悽悽一樣愁，

三千弱水爲奔激！

頃刻繁星眨眼窺，

天庭仙子掃蛾眉，

掃罷蛾眉再盼顧，

浪攜纖手盪河湄，

一千年前會我時，

紅顏卽夕尙依稀，

惴惴因之欲與語，

天門冥霧忽霏霏。

宿紫霄宮寄成都友人

冬寒去未遠，

花草情猶散，

積雪化簷雷，

浙瀝報春暖。

我愛名山不暇愁，

探幽但愧豪懷短。

信宿難忘往夏時，
病後青城獨訪奇，
天師洞裏息塵慮，
晨起林巒任駟馳。

八月又上峨嵋去，
西望雪山東雲霧，
金頂寺前一呼號，
浮霞冉冉來依附，
遊罷九天不稱情，
戲笑天女震天怒。

重倚人間未經年，
三千里外竟顛連，
萬水千山福緣淺，
紫霄宮裏且醉眠，
峯頭新月一彎出，
窺我儕侶傲風烟。

憑窗忽憶逍遙客，

此日錦城嗟落魄，
會相攜手嘯嘉陵，
放眼茫茫江水碧，
記約雲山共參禪，
誰知此日雲山隔。

別後相思可奈何，
錦江漢水兩興波，
遙將箋紙投青使，
報與故人拂女蘿。

過 三 峽

三峽之水何漫漫，
礧岩激竅揚洪瀾，
榜人之子三號歎，
泝洄西上摧心肝。

摩天峯巒不可攀，
千里作勢如龍蟠，

捲濤砥石中流出，
突兀蜷曲似蛟翻。

我舟徐徐向烟霧，
帆影搖搖驚沙鷺，
鷺飛巫山蒼茫樹，
巫山雲雨蠶朝暮。

十二峯高惹客情，
峨峨姿態總分明，
東下新灘三百里，
沿流一舟羽毛輕。

新灘之水碧空墜，
浪擊船頭飛珠翠，
獨有聽風浴霧人，
心馳天表神如醉。

瞬息牛肝馬肺迷，
朦朧烟霞夕陽低，

連山高拔三清外，
猿猴黃鶴枉悲啼。

去年隻影走西蜀，
暮上腔岭縱遊目，
依然襦被復東行，
流離豈爲半鍾粟！

且喜江山猶燦爛，
可奈生靈半塗炭，
烽燧亂浮雲，
寇兵猶驕悍。

信有奇謀喚國魂，
不因三峽作屏藩，
試看此夜嚴風裏，
月明處處淨塵氛。

送友人遠行

君行似白雪，

來去杳無根，
昨日武當山上宿，
今朝襖被滿征塵，
襟懷磊落多清芬，
閑亦運筆寫奇文，
遙瞻前路茫無際，
萬里關山有誰親？
勸君酒，握君手，
送君漫折江邊柳，
此日烽烟尚愁人，
期君莫著祖鞭後，
志士獻身當及時，
甯辭一死東南走！
漢水雖茫茫
別意與之長，
江干對立語言少，
回首風帆背夕陽。

新都留別

同是烽烟飄泊人，

萬里作客感情親，
閑時垂釣寒溪上，
意氣常欲薄層雲。

會相攜酒到阡陌，
襟期何事終惻惻？
宛似情天落魄時，
人間有路皆昏黑！

弄景追遊會幾何，
蟾圓一度忽經過，
桂湖亭榭倚欄邊，
聽盡啼鴉枝上歌。

已知人世多離別，
偏將酒味示親切，
勸相飲，莫相忘，
他日相看江水長。

江水滔滔向東去，

乘舟倏忽我何處，
記取關山千萬重，
友情永向心頭住。

車馳高山上

車馳高山上，
征鳥逐鳴飛，
倏忽雲中去，
眼底便相違。

朔風逆面砭骨寒，
俯視人間來去難，
星流電滅一回首，
千萬層山不可看。

沙坪壩話別

同似秋蓬轉南北，
年年碌碌無消息，
嘉陵江畔忽相逢，

羣眼相看猶相識，
都道別來未三秋，
飄零無復舊顏色！
且相攜手踏斜陽，
蹉跎往事奚須憶，
忽見天邊江水送雲帆，
君卽拔劍起舞望南國，
南國此時滿腥膻，
天空海闊蛟龍惡，
論君胸際風與雷，
早應咆吼澄寥廓。
人生遭際未可期，
但須壯志常磅礴。
我卽千里之錦城，
君亦南行歸戎幕，
天涯再會問何時？
明朝欲見關山隔。

冬夜遊桂湖

桂湖桂樹三百年，

年年蕭颯耐寒天，
想像涼秋花開日，
香風十里亂雲烟。

此夕何索漠，
得見難行樂？
昔日楊公費思量，
肯留手澤啼烏託。

湖水自漣漪，
荷梗歎凋零，
岸草萎紅心，
殘楊悲古今。

借問當年遊讌處，
莓苔深淺誰人步？
亭榭春風有時還，
漫將心事付零露。

楊公祠前吊貞魂，

霜摧紅葉落紛紛，
天邊明月墮湖水，
翻映晴空一片雲。

獨坐涪江邊磐石上

磐石江邊兀，
江流萬馬騰，
舟子三長歎，
激灘越未能，
空羨翔雲鳥，
俄頃萬里程。
我獨石上坐，
孤意怳怳，
汝曹爲餐粟，
竇力作長征，
而我又因何？
江海一浮萍！
心力同憔悴，
六合混難清，
人生真如此，

甯留百世情。

新 牆 河

新牆河，新牆河，
西流瀲瀲水，
長古向洞庭，
到得洞庭滿眼青。

我來此日情無限，
賸有歎歎向誰語？
哀爾悠悠心，
竟遭蝦夷馭！

我立河邊招爾魂，
隔河寇壘映斜曛，
慟哭神農土，
棲遲鷓鴣羣！

朔風逆面正淒颯，
呼呼鎮日吹紅頰，

河水悄無聲，
無乃自羞澀？

新牆河，揚爾波，
戰士揮戈且高歌，
一俟神州清胡虜，
重來過汝躍青羸。

滄 浪 亭

我登滄浪亭，
亭臨漢江立，
江水去滄滄，
潮回一何急！
山上清風飄空林，
萬靈與我同呼吸，
翔霄雲鳥歸來遲，
縱目再顧不能及。

西望均城獨巍巍，
簷宇蒼茫映夕暉，

號聲吹徹征人夢，
爲報中原未解圍！

私心悄悄攀岩穴，
石上踉蹌思先哲，
閔盡關山我胡爲？
燎原寇火金甌缺！
身世終迢迢，
杜鵑啼處中腸熱，
斷續漁歌更愁人，
待挂風帆向吳越。

秋 到 人 間

天地有節候，
四時自轉移，
大火正飄流，
涼風忽然吹。
晨興亂夢中，
披著我裳衣，

緩步汗陌間，
羣山輕颺馳。
楊柳聳蕭瑟，
行人傍水湄，
白雲流影沉江水，
啼鳥翻飛相追隨，
老農籬下採黃菊，
謂與淵明有夙期。
今秋仍是去秋意，
獨有草木闕榮衰，
騷客對此不行樂，
含毫興感抒憂辭。
當年有宋玉，
世人笑其癡，
所以今日我狂嘯，
歸來高臥淨煩思。

行 乞 兒

行乞兒，行乞兒，

鶉衣敗絮何便便，
蓬頭垢面踉蹌路之邊，
逢人哀訴淚涕漣，
路人瞥目不回顧，
朝朝暮暮乞得何物腹中填？！
空攜籃鉢東市去，
走遍千門轉南阡。

籃中有何物，
殘羹冷炙得充飢腸不？
強抬肢體顛簸行，
步履搖搖形鬱鬱，
豈汝生不辰？
飢寒徹肌骨！

嗟汝宿處衾席殘，
滿天霜雪侵肺肝，
迢迢長夜自蕭瑟，
白日炙背轉來難，
灑灑微命若中絕，

有誰收汝歸青山？

吁嗟行乞兒，

汝生五官與四肢，

智慧與體力，

不與常人歧，

因何無食也無衣？

因何無家無宿獨規規？！

吾既爲汝悲，

吾亦爲汝哭，

朱門有餘粟，

不爲汝一填枵之腹；

朱門有餘褥，

不爲汝曬曬身上覆！

吾欲偕汝適樂國，

樂國之民無富也無貧，

天地之所出，

國人之所均，

天地待汝父母心，
國人待汝如家人。

吁嗟行乞兒，
汝其與我來，
吾儕相攜手，
相好莫嫌猜！
併力同開新境地，
慰汝愁顏寬汝懷。

白日飄忽不可留

白日飄忽不可留，
嗟我浮生似夢復何求？！
天地茫茫有時滅，
安用煩憂朝朝結！
願注流霞醉千觴，
醒攜魯戈揮夕陽。

躍馬漢江濱

躍馬漢江濱，
揚鞭驚雁羣，
雁飛呀呀碧天去，
江潮礙穴響行雲。

馬蹄躍處黃塵起，
側目風帆逐江水，
江水湯湯去不回，
襄陽茫蕩烟波裏。

我逐烟波邁前途，
途中搔首仰天呼，
人生百歲幾行樂？
况是吾生愛江湖！

躍馬江之涯，
驥驟不知疲，
百里追飛鷺，

瞬息即可期。

峯巒村落眼前逝，
漠漠田園掩映垂楊際，
欲尋何處古隆中，
樵人爲語浮雲蔽。

浮雲蔽處氣沉沉，
千七年前計亦深，
雪擁草廬惟高臥，
常人那識非常心！

我今獨來參遺跡，
四山林木何寂寂？
僅有飯瓢與手杖，
悄悄自倚祠寒壁。

太息前思千七年，
英豪當日龍隱耕南阡，
一朝龍騰震四海，

功業便篆青雲篇。

太息亦胡爲，
投鞭斷江水，
江水不復東南流，
空餘名姓在山邱。

人 生

人生人生幾何年，
宛如碧空飄蕩之青煙，
煙飄倏忽無蹤跡，
人生安用多歎息！
榮名珍寶盡空虛，
形骸歸去不能俱，
借問誰能異於是？
秦皇漢武皆已矣！
宇宙縱然盡入我囊中，
亦從囊中盡飛起！
但願長有古之曠士懷，

朗然常向碧天開，
榮名不能來，
珍寶不能裁，
既無得失患；
復無憂樂懼，
恬靜在心中，
視世甜如蜜。

昨夜頻驚夢

昨夜頻驚夢，
處世不能諧，
獲落一孤人，
流離在市街！
寢興與餐食，
時傍屋邊柴！
愴離人境，
荒山放形骸，
挹泉咽薇蕨，
將晚惑狼豺！

萬類皆仇侶，
咨嗟命何乖，
窮通怨天定，
遽投千丈厓。
醒來衾冷心潮躍，
兩眼矇矓情錯愕，
卽真如此了浮生，
還當求我夢中樂。

夢

日作夢， 夜作夢，
時時在夢中。
夢入天台作沙彌，
六根清淨樂園融，
星月未殘披衲起，
渾和煙靄敲晨鐘。
十年面壁證因果，
身似菩提萬慮空。

夢作層霄糾縵雲，
人間天上去無因，
無端聚合無端散，
悠悠淨潔出囂塵，
朝暉崆峒樹，
暮翔東海濱，
翱遊大化間，
萬彙相親仁。

夢作孤帆飄大洋，
洪濤風颶撼篷艙，
星沉霧罨四邊黑，
水魃蛟龍悉倉惶，
長鯨巨鰲置與鱔，
翻波掀浪蕩洪荒，
惴懼喪精魂，
瀚海將安航！

夢作風雷掣天地，
千靈萬靈醉中起，

咆哮碎匄三百年，
江河山嶽齊搖悸；
月裏嫦娥減黛眉，
淚珠下墜如桃李，
暴雨飄殘暝與曠，
人間景象見歡媚。

夢作海王邈邈星，
乾坤唯我最孤零！
永絕悲歡榮與辱，
獨攜寂寞到空冥。
渾噩四時與生死，
無知無欲了無聲，
北斗冥王遙相望，
無愁無愛也無憎！

夢作堯時野耕者，
呼吸自由氣氛白日之下，
開拓原始共有大自然，
日落歸息歡娛之岩舍，

純潔有笑容，
天良無虛借，
各盡所能取所需，
人羣安處甘如蔗。

日作夢，夜作夢，
時時在夢中。
願從夢中過百年，
神會古聖智哲與英賢。
羲皇之民不可作，
浮生本是貴行樂，
而我終願拋將心力追幻滅，
補綴人天缺陷始歡悅。

路 死 人

路死人，
屍體路邊陳，
衣裳剝落盡，
是誰客子身？

所在非戰場，
路死是何因？
鄰近有林鬱，
埋骨無孤墳！

豈汝生前太梗直？
扞格時俗痛荆棘，
黑暗悲從光處覲，
煩思怨憤填胸臆。
一死便期洗萬愁，
魂歸天國甘沉寂。
魂去魂來若有知，
無生應亦餘歎息。

豈汝生前太低能？
饕餮無計與人爭！
手不能攜刃以爲賊，
力不能推犁以種耕，
家居無親屬，
外出無良朋，

營營終枵腹，
便粟路邊橫。

應知現世非唐虞，
寇災匪患遍鄉隅，
縱有官衙設處處，
棲藏什九鼠與狐。
休羨豪門多權貴，
什九詐偽竊且誣，
吸噬庶民膏與血，
委蛇委蛇糞中蛆。

更有槍兵守疆土，
敵來竄匿散如鬼，
百姓未逃兵先逃，
却掠姦殺爲民蠹，
莫謂地方武力雄，
陽爲自衛陰爲虎，
偶聞風鶴膽便寒，
搶取貨財如倭虜。

嗟汝路邊屍，
路死事可疑，
嶙嶙瘦骨骼，
天地得無私？
淒涼時代犧牲者，
命且喪矣剝裳衣！
陰影遍人世，
明朗是何時！

血 與 淚

血與淚，
八載互交流，
秋草色爲碧，
大地爲之浮，
創傷慘酷空前史，
哀怨嫉憤古爲儔，
皇天亦泣涕，
側怛見心憂。

流矣流矣血與淚，
中孕無上榮光與自由，
誅彼蠻橫種，
戮彼正義仇，
全民之公敵，
文明之恥羞，
史冊髒污之一頁，
須從血淚洗方休。

哀哀血與淚，
血色何鮮紅，
淚味何酸澀，
血勇似洪濤，
淚落成珠粒，
血是忠勇之象徵，
淚非懦弱之苦汁，
匯流却向豪強襲。

莫作幻滅之冥思，

兇殘暴力終陵夷，
血淚經流地，
幸福之花開有時。
珍重花長在，
風雨莫澌澌，
堪憐大劫後，
親善漫猜疑。

太 陽

太陽至偉大，
萬象莫比倫，
超然寥廓際，
列星遠逡巡，
無量光與熱，
雲氣自化淳，
節候有常軌，
羣生賴以敦。

嗟嗟太陽乎，

汝之存也實宇宙之神祕，

汝之始也是何年？

汝之成也是誰致？

衆有興廢遞去留，

汝獨永恆是何事？

壺盧玄邃終難明，

怕是造化懷私意。

更無如汝之大公，

仁心俠骨被蒼穹，

肝胆映照無彼此，

熱情終古在懷中，

螞蟻沙虫俱溫暖，

道義之交及愚蒙。

一體生靈同呼吸，

精誠惠愛竭殊功。

以汝之光華，

何因凋謝人間正義之花！

大地坎坷復涼炎，

妖氛惡厲亂彩霞，
兇魔毒焰吐禍舌，
藉汝餘蔭以爲家！
有時長夜乾坤黑，
詭風譎雨玉成瑕。

豈是地球故作孽？
自將旋轉如輪轍，
從違於汝道有常，
光明暗昧因而別！
不復高低列山河，
陂陀沼澤崎嶇設。
精神上下互懸殊，
人隨物理滋盈缺。

安能如汝之永恆，
襟懷浩蕩不矜爭，
遙看下界諸形相，
衡汝甯非靈狸鼯，
明燐如汝眼，

我輩實瞶盲。
宇宙倘非囊中物，
當能相濟絕嫌憎。

嗟嗟太陽乎，
古惜女媧補青天，
今日誰能無私一如汝？
盡將罅漏地上填！
立足平如水，
普濟此大千，
居處人間世，
如汝之團圓。

影

倩影究何在？
再顧已無尋！
恍如投雲雁，
一去隔層嶽；
又如夜流星，

偶現不再臨。

當我靜默時，
常念汝何之，
會疑在身側，
睨之忽已移，
又疑珊珊來，
待之杳無期。

疑汝闔幃自翠蹙，
躬親深問已三復。
疑汝華粧躡林園，
林園冷落如幽谷。
疑汝翩翩舞庭前，
庭前秋葉正蕭肅。

疑汝輕盈戲球場，
球場但有桂花香。
疑汝欣欣泛遊艇，
艇浮湖水却蒼茫。

汝影究何在？

縈思淚似霜。

恐是形容已枯槁？

頻經烽燧憂心擣，

飄跡關山不勝情，

甘拋夙願速遶道。

望斷長天與水涯，

無邊煩惱懷中抱。

汝影究何在？

夢寐不見還，

舉頭念簷燕，

風動憶雲鬟，

翹企復翹企，

願言長思盼。

荒 山

青年無名氏，

乃是鄉居農家子，

同生兄弟有四人，
長者次者沙場死。
幼弟年才十三餘，
習作網罟與犂耜，
父喪祇留半畝田，
母衰步履門前止。

比鄰富戶盡豪橫，
把持鄉黨莫堪爭！
糧捐與兵役，
弱者逾所能。

東家擁田千百畝，
子作軍官氣餒騰。
北家杉山六十里，
壯男七八學簫笙。

西家南家皆巨賈，
戰興年年添園圃，
往還盡是衙中人，
逢迎鄉吏多親故。

保甲之長詔笑遊，
胥徒走卒遠庭戶，
祇有小民不得安，
槍兵日夜如牆堵。

青年無奈且潛逃，
一包熟飯到崗臯，
飲露披星原非已，
滿懷孤憤臥蓬蒿。

污政毒如蝎，
土霸似風葵，
甯懼龍蛇惡，
藏身意氣豪。

我行荒山上，
十里無人家，
草茅蔽砂石，
疏密見桐茶，
猛獸吼巖壑，
禽歌亂晚霞，

層巒遠迴折，
勁風正號譁。

忽見一青年，
形骸侷促路之邊，
呼問是何人，
因乃爲我訴譏諷，
吐却心頭痛，
涕淚迸相連。
愧我無詞虛慰藉，
咿呀便爾別青年。

蛆 蟲 曲

蛆蟲踞天國，
營營不遑息，
熙熙復攘攘，
飽祿事繁殖。
爬行樂土中，
樂也似無極，

四時寒暖不惹愁，
爲有閒情滿胸臆。

堂堂族類擁光輝，
一樣衷腸一樣肥，
祇恨無情鷄犬輩，
時來天國逞風威，
雖欲衛社稷，
其奈願多違，
一朝機不測，
莫辨誰是非。

宛如仁者坦蕩蕩，
豁達襟懷如海量，
得失之間俱泰然，
雍雍穆穆無譏謗，
甯知斗筲計孳孳，
爾詐我虞貌倜儻，
紆紆起落似相爭。
原是升沉勉謙讓。

誰云汝輩是貪污？

天國生涯道不孤：

甘露來從仙女口，

晨餐晚膳嚼醍醐！

供需左右償心願，

雜沓犯科不爲辜，

厚位震人世，

塵網作家奴！

誰云汝輩生無骨？

何貴狼奔與豕突，

懷廉持義用相安，

君子之風知彷彿。

酒肉結良朋，

過從齊心術，

存亡共一窩，

枉死情誰恤！

誰云汝輩是無知？

天生天養那爲奇，
廚下蒼蠅尤欽羨，
飢寒曾不動心思。
卽論豪門田萬頃，
不勞擁祿亦如之。
意氣願可使，
服飾光陸離。

洋洋國度慎疆圉，
莫使烽烟興鼯鼠，
爲恐皇穹惠大公，
那堪弛散禍區宇！
更防鷄犬上天堂，
張目顧盼滋齟齬。
嗟嗟爾蛆蟲，
善守爾倉貯。

世傳慣習非綱常，
惡臭何曾變異香！
遠矚乾坤明大小，

盱衡今古識凶祥。

自視無倫匹，

甯知命已傷，

愚賤不足用，

淺智難久長。

噫噫蚍蜉乎，

時代之潮滾滾逝，

人間有日換新裝，

汝輩紛攘何足計！

鷄犬縱不前，

黃雀亦來噬，

况復風霜撼天堂，

飄流泯滅空垂涕。

野 花

野花開阡陌，

濃香豔質紅黃白，

動蕩春風不識愁，

遊蜂舞蝶戲其側，
天涯過客亦關情，
目奪神馳意搖惑。

可憐美好曾幾時，
狂風驟雨忽兼施，
飄零便爾隨流水，
汨沒何方總不知。

贈友人之江華

與君遊零陵，
一載云何速！
談笑遽分離，
淚泉湧雙目，
念君此去會何時，
恰似飛鴻過空谷，
君去不回頭，
從茲我幽獨。

君之行色太匆匆，
况值風霜苦客容，
豈爲光明在前路？
不辭跋涉遠追蹤，
抑爲官場多醜態，
投身異地洗心胸？
獨我思無計，
沾泥一斷蓬。

望君行影滅關山，
何日故人得復還？
我有屐痕留處處，
岩邊水畔且細看！
旗亭有酒何妨醉，
強半蒼生尙戚顏，
經綸如舒展，
情懷定不單。

寄大幕山戰士

久戰山容改，

堡壘自峨峨。

猛士三千人，

壯氣干天河。

蠻夷如鼠兔，

血腥洒崗坡。

崗坡若天塹，

蠻夷竄越難，

大小百經戰，

猛士倍心丹。

星夜或出擊，

聞風敵胆寒！

炮雷彈雨無情物，

慣將羣醜埋幽窟，

連年殺氣衝雲霄，

幾許倭奴灰白骨！

空飲恨，徒鬱鬱，

縱知忠勇之士終不屈。

中華之恥日已銷，
沸騰熱血震江潮，
三千猛士英風在，
海水揚波桑島搖，
衆志如城，雖勝不驕！
失土歸復望非遙。

噫噓我戰士，
爲報國仇不辭死，
露宿霜餐，衣食無恃，
黃裔光榮基於是，
成仁取義願相同，
披肝瀝胆無彼此。

共處羣峯巔，
峨峨堡壘望相連，
朔風夜夜號，
寒衣取向倭奴邊，
餉糈如中絕，
適時奪向暴敵前。

憶戲我戰士，
山容不復改，
曙光明朝來，
枕戈陣裏凱歌待。
存亡此日不同天，
三千猛士英風在！

英風終古貫長虹，
五千年立國精神之所鍾，
不爲強者刀下肉，
不向弱者逞豪雄，
民族生存有自由，
天下一家乃大公。

憶昔我曾營中宿，
深秋林木凋山谷，
飄灑雨雪閱軍容，
森嚴氣象敬人目。
以此興國魂，

國魂定光復。

噫噓嗟乎我戰士，
夜幕將收莫差池，
旄頭星已沒，
堅貞勵此時，
和平與康樂，
同享長不疑。

登清江閣望崆峒峽

烟靄微濛迷峭壁，
千山萬山何寂寂！
舟停灘畔客登臨，
江水滔滔長奔激。

鉤天寒鳥自翱翔，
草動風傳翠袖香，
清江閣上斜陽後，
蛾眉千古枉相望。

遙指蛟龍峽中起，
橫斷長江流不得，
忽然濤湧震乾坤，
山靈野魅同惶惑。

我獨憑厓抒長吟，
空林幽谷盡知音，
願將心事投天外，
不管雲山怪嶽岑。

雲 月

泠泠歌響動雲月，
仙女珊珊臨天闕，
隔河細語不能聞，
似訴容華將凋歇。

把酒酬天一悵然，
人間論譎恨延綿，

不逢青鳥來消息，
何處蓬萊渡海船？

乘輿過吳家谷

松子戲行客，
聽泉動旅情，
拾級登幽徑，
修竹自菁菁。
峯回關路轉，
雲去九天青。
荒嶺棲閑士，
彩霞繞簷楹。
俯視丹崖下，
向榮百草生。
翻飛出林鳥，
爲我護行旌。

神坑廟

廟僻稀人跡，

磴徑生紫薇，
門前聞鳥嘯，
葉落掩雙扉。
祝巫何處去？
日夕不見歸！
獨有神坑水，
千年也不違。
就水一洗心，
從此永忘機。

登波崙寺

浩蕩瓊江水，
波崙高入雲，
萬峯羅眼底，
超然天地分。
舉手招雲鳥，
曾不染塵氛，
風裏聞漁曲，
從看江水濱。

江水去無極，
餘霞映夕曛，
呼嘯震寰宇，
人間息紛紜。

清 心 橋

橋水淙淙響，
野樹更蕭蕭，
落拓天涯人，
石上弄寒潮。
潮水自沆漑，
洗心慰寂寥，
洗罷餘歡息，
風寒草木凋。
卽此清塵慮，
無復思王喬。

曉發塘壩場

曉發塘壩場，

烟雨何微茫！
百鳥林間鳴，
行客感中腸。
汪汪潤邊水，
村女浣衣裳。
浣罷去復來，
忽遽爲誰忙？
我行復行行，
四海是吾鄉，
前路邈千里，
雲山兩青蒼。

薛 濤 井

井水千年碧，
脂痕沒幾時？
叢篁有好鳥，
晨夕唱清詞。
似唱此井水，
會浣薛濤衣。

憶昔枇杷裏，
閉門獨思誰？
今日一惆悵，
殘碑覽芳姿！
縱復風情在，
我來也已遲。

長 劍

我有一長劍，
云是古莫邪，
掛甬寒壁間，
光芒閃紛奢！
神器愁寂寞，
陰夜自鳴嗟，
浩志不尋常，
待欲斬龍蛇。

出舞庭前月無色，
風旋電滅驚飛翼，

木葉爲飄搖，
窗櫺不甯息；
狐鼠盡竄逃，
鬼魅爭辟易。
鋤奸市井無人識，
亦曾爲國刺仇敵。

曾救朋曹萬難中，
不憚水深火熱與窮兇！
果敢邁羣倫，
無以比精忠，
十載常隨我，
淪落亦稱雄！
丹心照古人，
靈感與天通。

長劍乎長劍！
我將以汝作正義之前鋒，
我將以汝起人世之疲癯，
我將與汝訂山盟，

死生期與永同衷。
人間終古藏虛僞，
汝其視之莫憧憧，
汝其勵汝倜儻之高風！

嗚嗟亦胡爲，
我將拊汝走瀛海，
戮力戰魔靈，
毀身也無悔，
創造新生贈世人，
世人長見光明在。
歡樂滿乾坤，
乾坤從此改。

狂 風 雨

狂風兼狂雨，
弗弗撼秋林，
林葉紛搖落，
響徹幽人心，
感歎一歛歎，

宇內已涔涔。
岡南崩巖石，
滾逐洪潦沉，
岡北農人宅，
折塌怨愁深。
山摧橋亦斷，
行客路無尋。
昏冥天地渾難辨，
側耳惟聞風雨音！
云是鬼魑振威怒，
故使萬靈懷驚怖，
我謂鬼魑或有情，
呼號翻使萬靈悟。
坤轉乾旋亦可觀，
殷雷激電無朝暮。
又疑造化主，
瑰麗稱陸離，
叱咤詭變炫神奇，
衆有收羅在一撮，
吹噓捍闔以娛戲。

蚩蚩塵世人，
攘擾盡羈縻。
我生獨幽寂，
靜觀無窮時。
滄桑復滄桑，
芸芸相推移，
因之翺遊大化不語誰。

寄張書記長翼詒

伊昔離鄉邑，
飄泊各天涯，
晉息烽烟斷，
運途我獨乖！
去來南與北，
霧霰總昏霾，
天宇澄無術，
埃塵滿劍鞘。

鍾連六載到零陵，

九疑瀟水遠孤征，
探奇訪勝連朝暮，
徒歎人間未昇平！
韶華去冉冉，
何日聽鸞聲？
挾策悲呼嘯，
龍泉空自鳴！

誰知寇患起新牆，
洞庭岳麓夏飛霜，
慘慘衝雲通五嶺，
雙旛邂逅一傾觴。
君住何邊宅，
我獨止江鄉，
信宿匆匆各長路，
春陵再遇卸行裝。

月巖之遊我負約，
只因疏散輕言諾，
論文說理我不如，

况復典墳早零落！
酒樓畫永笑醉顏，
且喜豪情尙磅礴，
過從曾未兩蟾圓，
忽復西東攀崖嶠。

望君行影碧雲中，
絲水青山悵斷鴻！
我返芝城愁秋柳，
蝦夷大舉竟西攻，
烏合之羣非鬥士，
聞風竄散若驚蓬。
我便因之歷關隘，
倖存微命謝蒼穹。

何因嶽縣重相會，
星離萍聚千里外，
嘉我新詩贈我袍，
甯知當日我憔悴！
濁世升沉共感傷，

機巧未能師市儈。

歲歲走江湖，

半生處燕穢。

君猶戎幕逐風塵，

摧眉奉俗損天真！

瑣瑣名心蔽明達，

百年回首惜良辰！

我欲閉門潛讀作，

拋將心血親古人。

寄語懷才低首客，

何如攜手挹清芬。

戰 鬥

今日是何日，

狼奔豕突時，

壯者沙場死，

老弱痛瘡痍！

寰宇已無乾淨土，

模糊血肉飽梟鳴。

風雷震天地，

星星亦變移。

嗟我沙場忠勇士！

利刃刺胸膛，

莫眨汝之眼，

還刀斬寇讎，

寇讎倒似水銀散！

空飲千年恨。

而我必勝之念永堅牢，

不復神州逝不返！

一寸土，一寸血，

可以拋頭顱，

天然壕塹不容越！

炎黃苗裔多長材，

百年恥辱同心雪。

何物海洋蝦，

來賞中華月！

跳上泥途徒自絕！

戰鬥復戰鬥，
飄揚正義旗，
協和我盟邦，
併力張天維。
前仆後者繼，
犧牲何足悲。
掃除雲霧澄天宇，
長見光明會有時。

青春之追悼

花謝得重開，
月缺亦再圓，
天晦會晴明，
春去有迴旋，
何我青春燦爛之盛年，
逝似山泉下深淵！
又如雷電激天邊，

來也去也不留連。

青春之靈乎，

汝來汝去渾如夢，

熱情之火何熊熊，

當汝之來懷中擁！

如冰之結何沉沉，

當汝離時目中送。

汝去汝去不再來，

百年從此停歌頌。

人生歡樂嗟凋零，

高歌一曲那堪聽，

天暗暗，地冥冥，

空餘殘夢憶惺惺。

壯懷擲却東流水，

生之光燄似秋螢，

塚裏青春乎，

可能丹藥得蘇醒？

當汝鬱勃時，
居何恆蕭索？
冷眼視塵寰，
不逐常流樂。
覆落寡朋儔，
幽情但欲寄寥廓，
思慮之沉迷，
玫瑰生沙漠。

沙漠無蘚苔，
花萼可會開？
勞勞費經營，
徒乃滿面盡塵埃，
况或嚴霜作威福，
信汝堅貞亦難栽。
大好青春已虛度，
徘徊低首有餘哀。

曾經浪跡遍中原，
中原處處多才彥，

而汝稜犖之孤懷，
有誰曾與推心見？！
幾度投身少女羣，
有誰曾與相歡戀？
沉涵冥思之氛圍，
世人詆汝誠愚賤。

常攜憧憬在兩瞳，
眞良徒爾住心中！
摯誠匿不作，
誰信汝雍容，
詭僞嫉如仇，
人疑虛妄在追蹤。
時下重蛙鳴，
何汝默默似癡聾！

瑤琴應便擲風雨，
書劍拋殘歸何處？
夢裏光輝一段愁，
蕭疎玄髮容難駐。

風塵喘息傷聖情，
天國迢迢安可住！
嗟汝胡爲來，
去也絕晨曙！

那有崇高之自尊，
不蒙面具得生存！
幻境盡隨雲烟滅，
奚須作態戲獼猴！
歲華埋夙願，
精鳥永含冤，
灰燼難復，
空期異日緣。

燦爛之青春乎，
濁酒一杯聊相奠，
企望泣參商，
帝皇扯冠冕，
凡軀七尺歸虛無，
原是古今同一踐，

獨汝衰亡無限恨，
臨風再拜情難遣。

徘徊荆棘叢

徘徊荆棘叢，
行客將何往？
大塊雖茫茫，
託處不容掌，
拭目瞻康衢，
情懷空俯仰。

徘徊荆棘叢，
螻蟻縱橫馳，
蚯蚓蝨泥土，
甲蟲爬樹枝，
青蛙張兩目，
猙獰似有詞。

狂蜂嗡嗡鳴，

振振欲肆刺，
毒蛇與厲虺，
待機以恣意，
行客孑然身，
徘徊將何俟！

莫羨翔天鳥，
飛飛出雲表，
莫羨江中帆，
去來自矜矯，
即此關樂園，
期之非茫渺。

噫噓失路人，
於邑果何因，
豈將屈膝棲污土？
何如一火悉燒燼！
殄滅彼羣醜，
多栽幸福根。